



Na osnovu člana 178. Zakona o osnovama sigurnosti saobraćaja na putevima u Bosni i Hercegovini („Službeni glasnik Bosne i Hercegovine", broj 06/06, 75/06, 44/07, 84/09, 48/10, 18/13, 08/17, 89/17 i 09/18), člana 2., 3., 4., 5., 6., 7. i 9. Pravilnika o stjecanju zvanja vozača-instruktora motornih vozila ("Službeni glasnik Bosne i Hercegovine", broj: 15/07 i 41/07), i Pravilnika o uslovima i visini naknade u vezi s poslovima provođenja pravilnika o stjecanju zvanja vozača-instruktora motornih vozila ("Službeni glasnik Unsko-sanskog kantona", broj: 30/12), Ministarstvo obrazovanja, nauke, kulture i sporta USK-a **r a s p i s u j e**:

JAVNI POZIV ZA STJECANJE ZVANJA INSTRUKTOR VOŽNJE MOTORNIH VOZILA

I Pravo osposobljavanja i polaganja ispita odnosno prijave na Javni poziv za stjecanje zvanja instruktora vožnje motornih vozila ima osoba koja ispunjava slijedeće uvjete:

1. da ima najmanje srednju stručnu spremu,
2. da ima, najmanje tri godine, vozačku dozvolu one kategorije za koju polaže ispit,
3. da ima ljekarsko uvjerenje o zdravstvenoj sposobnosti, ne starije od 12 mjeseci,
4. da joj u posljednjih pet godina nije izrečena mjera sigurnosti ili zaštitna mjera zabrane upravljanja motornim vozilima.

II Kao dokaz o ispunjavanju uvjeta iz tačke I, svaki kandidat je dužan dostaviti slijedeće dokumente:

- a) dokaz o ispunjavanju uvjeta u pogledu stručne spreme (ovjerena fotokopija odgovarajuće diplome/svjedožbe),
- b) ovjerenu fotokopiju lične karte,
- c) ovjerenu fotokopiju vozačke dozvole,
- d) dokaz o prijavljenom stalnom mjestu boravka (CIPS list),
- e) ljekarsko uvjerenje ne starije od 12 mjeseci,
- f) uvjerenje da mu u posljednjih pet godina nije izrečena mjera sigurnosti ili zaštitna mjera zabrane upravljanja motornim vozilom (MUP),
- g) dokaz o uplati troškova za eliminatorni ispit iz Poznavanja propisa o sigurnosti saobraćaja na putevima u iznosu od 180,00 KM,
- h) nakon što Komisija utvrdi koje oblasti je kandidat dužan polagati isti je u obavezi dostaviti prije početka pripreme nastave dokaz o uplati troškova za pripremu nastave u iznosu od 25 KM za svaku oblast pripreme nastave.

III Za prijavljene kandidate organizuje se osposobljavanje putem obavezne pripreme nastave koja ukupno traje 45 sati (obavezno prisustvo na predavanju) i to:

- Poznavanje propisa o sigurnosti saobraćaja na putevima 15 sati,
- Saobraćajna psihologija 10 sati,
- Pedagogija-metodika 10 sati,
- Poznavanje motornih vozila, uređaja i opreme 10 sati.

IV Ispit za instruktora vožnje obuhvata polaganje iz:

1. Poznavanja propisa o sigurnosti saobraćaja na putevima - polaže se pismno i usmeno (cijena ispita sa pripremnom nastavom 180,00 KM),
2. Saobraćajne psihologije - polaže se usmeno (cijena ispita sa pripremnom nastavom 75,00 KM),
3. Pedagogije - metodika vožnje - polaže se usmeno i praktično (cijena ispita sa pripremnom nastavom 100,00 KM),
4. Poznavanje motornih vozila, uređaja i opreme - polaže se usmeno (cijena ispita sa pripremnom nastavom 75,00 KM),
5. Upravljanje motornim vozilom - polaže se praktično (cijena ispita: za A i B kategoriju i odgovarajuće potkategorije sa pripremnom nastavom 75,00 KM, za svaku narednu kategoriju cijena se uvećava za 20 % u odnosu na prethodnu)

Kandidat za instruktora vožnje iz upravljanja motornim vozilom koji polaže ispit potkategorije/kategorije D1E, DE, C1E, CE i BE ispit polaže posebno za svaku kategoriju/potkategoriju, cijena po ispitu 50,00 KM.

Nakon položenog eliminatornog ispita iz Poznavanja propisa o sigurnosti saobraćaja na putevima kandidat koji želi nastaviti polaganje ispita, obavezan je uplatiti razliku sredstava do cijena datih u tački IV.

POSEBNE NAPOMENE KANDIDATIMA KOJI SU OSLOBOĐENI POLAGANJA DIJELOVA ISPITA:

Diplomirani inženjer saobraćaja, cestovnog smjera, nije obavezan obavljati osposobljavanje niti polagati ispite iz predmeta saobraćajne psihologije i poznavanje motornih vozila uređaja i opreme.

Kandidat koji ima dozvolu instruktora vožnje određene kategorije prilikom polaganja ispita za instruktora vožnje za drugu kategoriju ne polaže ispit iz saobraćajne psihologije i pedagogije.

Kandidat koji ima dozvolu instruktora vožnje B kategorije, prilikom polaganja ispita za instruktora vožnje A kategorije ne polaže ispit iz poznavanja propisa o sigurnosti saobraćaja na putevima.

Kandidat koji ima dozvolu instruktora vožnje C1 ili C kategorije, prilikom polaganja ispita za instruktora vožnje za D1 ili D kategoriju, ne polaze ispit iz poznavanja propisa o sigurnosti saobraćaja na putevima.

Kandidat koji ima dozvolu instruktora vožnje C1 ili C kategorije, prilikom polaganja ispita za instruktora vožnje za D1 ili D kategoriju, ne polaze ispit iz poznavanja motornih vozila, uređaja i opreme.

Kandidat koji ima položen ispit za instruktora vožnje iz upravljanja motornim vozilom za kategoriju C1 ne polaže ispit za kategoriju B.

Kandidat koji ima položen ispit za instruktora vožnje C kategorije ne polaže ispit za kategoriju/potkategoriju C1 i B.

Kandidat koji ima položen ispit za instruktora vožnje D1 ne polaže ispit za kategoriju/potkategoriju C1, C, B.

Kandidat koji ima položen ispit za instruktora vožnje iz upravljanja motornim vozilom za kategoriju D ne polaže ispit za potkategoriju/kategoriju D1, C1, C i B.

Kandidat za instruktora vožnje iz upravljana motornim vozilom koji polaže ispit za potkategorije ili kategorije D1E, DE, C1E, CE, BE, ispit polaže posebno za svaku kategoriju/potkategoriju

Prilikom osposobljavanja i polaganja ispita iz upravljanja motornim vozilom kandidat je dužan obezbjediti odgovarajuće vozilo koje ispunjava propisane tehničke uvjete i standarde u pogledu dimenzija, mase, osovinskog opterećenja, uređaja i opreme, kako je propisano članom 20. Pravilnika o stjecanju zvanja instruktor vožnje motornih vozila.

Troškovi za polaganje ispita po jednoj oblasti/ispitu pojedinačno, koji je kandidat obavezan platiti u skladu sa članom 4. i 9. Pravilnika o stjecanju zvanja instruktora vožnje motornih vozila uključuju:

- osposobljavanje putem pripremne nastave iz tačke III
- polaganja ispita iz tačke IV

Uplata troškova iz tačke IV vrši se na:

Depozitni računa Budžeta USK-a broj: 3380002210005877, kod Unicredit banka Bihać sa naznakom: uplata za stjecanje zvanja instruktora vožnje

Vrsta prihoda: 722611;

Šifra općine: 003

Budžetska organizacija 1801001.

V Prijave na Javni poziv

Uz propisanu dokumentaciju iz tačke II u zatvorenoj koverti, se mogu dostaviti na adresu: Ministarstvo obrazovanja, nauke, kulture i sporta Unsko-sanskog kantona, ulica Alije Đerzeleza broj 6. sa naznakom: "**Prijava na Javni poziv za stjecanje zvanja instruktor vožnje motornih vozila – ne otvarati**".

Javni poziv ostaje otvoren 15 dana od dana objavljivanja.

Prijavljivanje se vrši putem obrasca Prijave koji se može preuzeti na web stranici Vlade Unsko-sanskog kantona //www.vladausk.ba// (rubrika preuzimanja) ili u prostorijama Ministarstva obrazovanja, nauke, kulture i sporta, Sektor za saobraćaj i edukaciju.

Neblagovremene prijave neće se uzeti u razmatranje.

Ostale informacije mogu se dobiti na telefon broj: 037/ 316 – 085.

Datum:

Broj:

